



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Cornelii Jansenii Iprensis Episcopi Augustinus Europaeus
Perperam Dictus**

Wavre, Philippus van

Antverpiae, 1709

Sect. V. Iansenius est Prospero & Augustino injurius [et]c.

urn:nbn:de:hbz:466:1-39351

DE PROPOSITIONE V. 433

vicere Galli Prosperum, recteque & sine commento, aut mendacio objecerunt, quod juxta Doctrinam Augustini, non pro totius mundi Redemptione Salvator sit Crucifixus. Nam si hanc ab Augustino invidiam Prosper amolitur dicens Calumnias esse mendaces, & quod rectissime propter unam omnium hominum naturam, & causam à Domino in veritate susceptam omnes dicantur redempti, scilicet ex mente, quem tuebatur, Augustini; corrigit, & confunder Prosperum Doctior subtiliorque Augustini Discipulus ille Jansenius, qui dixit: Numquam in scriptis suis (Augustinus) asseruit Christum pro omnibus, nullo excepto, se dedisse redemptionem. Quid hoc est, nisi pro victis damnare Victorem, & Semi-Pelagianorum mendaces calumnias in veritatem commutare, Prosperumque non modò oscitantiae & ignorantiae, sed & mendacii reum agere? Sed de hoc statim.

SECTIO V.

Jansenius est Prospero & Augustino injurius, Gallorum Calumnias mendaces contra mortem Christi pro omnibus hominibus pro vera S. Augustini doctrina adoptans.

T Agastæi Luminis Encomiastes & Discipulus inclytus Ruspensis Episcopus, duplicem Prædestinationem Augustini Autoritate communiens, S. Prosperi Testimonia cum laude interponere non ambegit, & quidem ea responsa in medium protulit, quæ contra Gallorum calumnias exaravit: *Hæc interim pauca de libris*

*S. Fulgent.
ad Monim.*

E e

S. Au.

434 LIBER SEXTUS

S. Augustini & de responsionibus Prosperi ob hoc malimus huic libello inferre, ut cuncti noverint, quid debeant de Prædestinatione Sanctorum impiorumque sentire, ut appareat ejusdem Beati Augustini dictis tenorem nostræ sententiæ convenire.

At Iprensis Antistes, nescio quid, scopo suo adversum malè subolescens ex dictis S. Prosperi responsisque ejus ad Gallorum falsas in Augustinum criminationes conscriptis, Prospero, velut ab Augustini tramite devianti huntium remittit, & doctrinam S. Augustini à Prospero ad omnes omninò homines justè ac piè dilatam, ad Genera singulorum, seu ad eos, quibus mors Christi profuit, Copiosam Christi Redemptionem restringendam censuit; ratus, Augustinum, non ut Prosper responderat, ad omnes sic extendisse; quia nusquam in scriptis suis fatetur Augustinus Christum pro omnibus, nullò exceptò, se dedisse redemptionem, vel Crucifixum esse vel mortuum, sed tantummodò pro illis quibus mors ejus profuit. Aut igitur Prosper erravit aut Jansenius, hic pro generibus singulorum, ille verò pro singulis Generum Augustinum interpretatus. Jansenius sententiam negantem Christum pro omnibus omninò mortuum, ut veram, genuinam germanèque Augustinianam venditat; Prosper verò ut mendacem calumniam, & S. Augustino indignam sobolem repudiat. Quod Gallorum obstrepens invidia Augustino adfingit, Jansenius ceu quid Augustini germanum plenèque simile dogmati adpingit. Hic aliò cum gallis marte conflictari non debuit, quia cum gallis foedus icit. Ad Gallorum itaque objectiones Jansenio usqueadeò caras properemus.

Nona Gallorum objectio ità Augustino reboat: *Quod non pro totius mundi redemptione (scilicet ex Augustini mente) Salvator sit Crucifixus.*
Quid

DE PROPOSITIONE V. 435

Quid ad hanc Jansenius? *Augustinus numquam in scriptis suis fateretur Christum pro omnibus, nullò exceptò, se dedisse redemptionem, Crucifixum esse &c. Sed tantummodò pro illis, quibus mors ejus profuit. Igitur vera est Gallorum objectio.*

Quid ad hanc & similes S. Prosper? In Præfatione ad Capitula Gallorum conficètur: Quod *injustis opprobrijs Catholici Prædicatoris, Augustini, memoria carpatur, & quod in peccatum cadant, qui alienà instigatione commoti Scriptorem celeberrimi nominis promptius habeant culpare quam nosse.*

Fatètur quoque, *se in nullo recedere à tramite earum definitionum, quæ in Sancti Viri disputationibus continentur.*

Ad objectionem verò non concedit, quod Jansenius, sed responder, & diluit: Nullus omnino est ex omnibus hominibus, *cujus natura in Christo Domino nostro suscepta non fuerit. Et infra: quod Rectissime dicatur Salvator pro totius mundi redemptione Crucifixus, propter veram humanæ naturæ susceptionem, propter communem in primo homine perditionem.*

Vincentina prima ità resonat: *Quod Dominus noster Jesus Christus non pro omnium hominum salute & redemptione sit passus.*

Quid ad hanc Jansenius nisi annuendo remittet, & dicendo: *quod juxta Sanctissimum Doctorem (Aug.) non magis Patrem pro æternâ liberatione ipsorum (non Prædestinatorum) quam pro diabolo deprecatus fuerit. Item: Nullo modo Principijs ejus consentaneum est, ut Christus Dominus vel pro infidelium in infidelitate morientium, vel pro justorum non perseverantium æternâ salute mortuus esse, Sanguinem fudisse, Patrem orasse sentiatur.*

Quid ad ista S. Prosper? Primò de objectionem hæc & aliis in Præfatione dicit esse Blasphemiarum

E c 2

pro

*Jans. l. 3.
de Grat. Chr.
pag. 390.*

436 LIBER SEXTUS

prodigiosa mendacia... qualia diabolico continentur indiculo: Et sub finem se ista refellere, ut evidenter agnoscant impiarum prophanarumque opinionum nullum cordibus nostris inhaesisse vestigium: & blasphemias, quas perspexerint, nostrâ professione damnari. Ecce iisdem notis Prosper aspergit hanc, aliasque Vincentianas, quibus Romani Pontifices Jansenianam quintam.

Quid ergo Prosper ad objectionem directè responderet? Contrâ vulnus originalis peccati, quo in Adam omnium hominum corrupta & mortificata natura est... Verum & potens ac singulare remedium est Mors Filij Dei Domini nostri Jesu Christi... Quod ergo ad Magnitudinem & potentiam pretij, & quod ad unam pertinet Causam Generis humani, Sanguis Christi Redemptio est totius mundi. Et ne improprie loqui videretur, concludit: Cum itaque propter unam omnium naturam, & unam omnium causam à Domino in veritate susceptam rectè omnes dicantur redempti. Deinde subjicit eam, quæ effectum sapit, proprietatem, quam dicit in omnibus non obtinere, eò quod non omnes à Captivitate sint eruti.

Cum itaque nequè de Generibus singulorum ageret Vincentius, sed de singulis Generum; nec ambigere posset, quin Augustinus, qui Christum verum Dei Filium prædicabat, magnitudinem & sufficientiam ad redimendos omnes nemine exceptò, in Christi Sanguine agnovisset; alia erat de Redimente consideratio, ob quam Augustino impingebant, quod veram & rectè dictam, omnium & singulorum redemptionem esset inficiatus. Et fors ea ipsa Augustini loca permoverunt, quæ Jansenium moverunt, ut hoc ipsum de Augustini mente sibi persuasum haberet.

Alioquin erat in proclivi responsio Prospero: Verum est quod dicitis, Augustinus dixit, & verum

DE PROPOSITIONE V. 437

rum dixit asserens, Christum nequè pro omnibus, nequè pro omnium salute esse Crucifixum, quia nequè pro salute iustorum, qui non salvantur, nequè pro sanctificatione seu justificatione peccatorum, qui non justificantur in sanguine ejus, semetipsum dedit in pretium seu redemptionem, sed duntaxat pro illis qui talibus beneficiis reipsa perfruuntur.

Jansenius namquè docet similem objectionem, ut Catholicam, ab Augustino facilè admittum iri. Nam agens de Hincmaro Rhemensi lib. 8. de *Heresi Pelag.* cap. 23. inter articulos ab Hincmaro Rhemensi Archiepiscopo objectos refert tertium: *Quod non pro totius mundi redemptione, id est, pro omnium hominum salute & redemptione Dominus Salvator sit Crucifixus & mortuus, sed tantum pro illis qui salvantur. Quod* pag. 546. *ipsissimis verbis, etiam Augustino exprobatum est à Massiliensibus, quod non pro totius mundi redemptione Salvator sit crucifixus: nam quod additur apud Hincmarum, sed tantum pro ijs qui salvantur, non est nisi partis præcedentis expositio, quam subintelligi volebant Massilienses. Hæc Jansenius.*

De hoc, & aliis articulis asserit pag. 549. quod sint ab Augustino, Prospero, Fulgentioque traditi, *Qui vel fidem Catholicam, vel Doctrinam non improbandam continebant.*

Quod S. Prosper ad Excerpta Genuensium scribit, Jansenio dici posset: *Miror Sanctitatem vestram objectionem calumniantium à Persona Defensoris gratia non potuisse discernere ut verba obtreçantium, & ipsi, qui obtreçtatoribus suis respondit, aptasse.*

